

女科秘旨

影印古本醫學叢書之五
上海中醫書局發行

女

科

主义

合

◆醫界名人之評語▼

中西匯通醫社張錫純氏曰：

實用中醫學一書會萃國醫數千年之精華。融會一己十餘年之心得。乃有關醫學盛衰之名著。非偶然也。

全國醫藥總會蔣文芳氏曰：

接部就班分門別類依課本之編製。作忠實之指導。不特貢獻於醫界人士。且使民衆得以咸明醫學之常識。

蘭溪中醫專校張山雷氏曰：

不修高深。不談空理。在在以實能應用爲歸宿。與詭異奇僻之不近人情者不可同日而語。傑作也。

醫藥新聞報社吳克潛氏曰：

網羅豐富。悉以經驗有用爲歸。蓋深有慨夫空談之徒。徒足以欺世而無裨於實際者。作也。所以續墜緒而啓來茲者。其在斯乎。

最近實用中醫學

(述著先生未伯秦)

全書十二編要目如下：

一生理學

二病理學

三診斷學

四藥物學

五治療學

六處方學

七內科學

八婦科學

九幼科學

十外科學

十一五官科

十二花柳科

全書七百餘面用大號鉛字精印
分甲乙兩種茲爲普及起見定價
特別從廉

甲種平裝四厚冊 定價三元 七折
乙種洋裝一厚冊 實洋二元五角

中醫書局謹啓

發行處上海山東路

五馬路南二十六號

得其至精，可以爲醫行道。
得其大概，可以充滿常識。

影印古本醫學叢書

| | | |
|-----------|-----|------|
| 難經闡註 | 丁錦 | 六角 |
| 傷寒撮要 | 王夢祖 | 二元四角 |
| 辨脈平脈章句周學海 | 六角 | |
| 本草衍義 | 寇宗奭 | 一元一角 |
| 女科秘旨 | 釋輪應 | 一元一角 |
| 難經懸解 | 黃坤載 | 六角 |
| 傷寒尋源 | 呂樸村 | 一元八角 |
| 金匱鈎玄 | 朱丹溪 | 六角 |
| 醫門補要 | 趙竹泉 | 一元八角 |
| 鍼灸要旨 | 高武 | 一元二角 |

每集十冊仿古裝訂函定價六元七折

古人著作。每多獨到之處。惜流傳甚鮮。不能普遍。實爲中醫退步之一大原因。本局既負宣傳文化之使命。特將先哲名著之不易得者。彙編古本醫學叢書。以資參攷。已出兩集。照原本影印。絲毫不爽。宜爲中醫界所珍視也。

(附告) 本局藏有孤本中醫名著尚多。除陸續選印三四集外。倘各界願以家藏秘笈見惠。俾得蔚爲大觀。不勝歡迎。

女科祕旨卷一目

安胎論

辨胎歌

養胎

安胎

小產

驗胎散

探胎散

銀苧酒

固胎散

束胎散

束胎丸

保生無憂散

單氏安胎方

女科祕旨卷一

輪應禪師纂

仁和吳煜茶垞校訂

安胎論

凡孕婦脾胃旺氣血充足則胎安宜無妄服多尋再用
安胎若氣血衰脾胃弱而飲食少則虛症百出或孕成
數墜而子不壽是必資藥力以助母胎並壽子也夫精
血會凝而成孕精氣蒸胃而遂嘔血少肝虛加愛醋物
胃氣受傷厭阻飲食若人素弱嘔阻橘半量加稟孕而
然竹瀝姜汁胎痛宜緩少加帶壳砂仁胎漏宜涼須用

地黃生熟至若傾撲動胎下血膠艾宜加怒氣胎遂上
沖木香爲使小便短濤成淋瀝安榮不應用升提若還
滯血流於脬逍遙梔子宜加入子腫面目虛浮而肢體
水氣全生白术堪醫子煩心驚胆怯而時見悶煩竹葉
安胎可療天仙簾治子氣腳縫水出人虛多用术參羚
羊角理子癟項強筋搐應用人參竹瀝脾氣虛而胎壓
尿胞則躋腹痛而小便淋閉安胎飲雖宜法當升提探
吐脾氣弱而轉運淹遲則飲食停而胃家脹嘔安胎飲
力緩加參平胃調和又若胃滿腹脹便閉徧身浮腫鯉

魚湯治胎水攸宜恐脾胃氣虛四君五皮爲佐胎氣上攻心腹脹痛紫蘇飲療子懸甚當若食少晡熱逍遙加味相兼柴前梅連爲丸骨蒸勞熱可退當歸六黃作引盜汗晡熱堪除孕成屢墮因母血弱不能分廢其胎女子無氣由母氣虛僅可滋榮於己老夫得其少婦須寡慾以候經期壯陽若遇衰陰必宜頻藥以全胎力參术條芩爲安胎之聖藥芎歸懷熟實補血之良規佐以蘇葉陳皮可爲常服之方孕成六月之前其胎尙未轉運茯苓性降不宜多用黃芪肥胎豈可常加香附雖胎喘

宜加久服虛人有害砂仁可止嘔定痛多用動血行胎
厯考丹溪之論不過數言安胎之方止於三四若能加
減治病可以十全八九矣

辨胎歌

肝爲血兮肺爲氣血爲榮兮氣爲衛榮衛和諧胎必成
血衰氣盛未有體寸微關滑尺帶數流利往來如雀啄
孕婦之脈已見形數月懷耽休認錯三部浮沈平正等
尺按不絕胎其確無止方是滑而且散三月胎散者心脈三月心胞養胎
故爾但滑不散五月母經云婦人手少陰脈動甚者妊也動如豆厥厥動搖也心主血胎成

則血聚護胎故心脈動或亦有不動而是胎者乃作足少陰非也蓋動者壯婦血盛也不動者弱婦血少也陰搏陽別謂之有子左陰右陽尺陰寸陽沈陰浮陽搏者淤觸於手也胎必熱故脈搏陰者胎之所居也婦人時時動血而轉筋者軀動時噦而動者非軀婦人寸口脈衛浮而大榮反弱浮大氣強反弱血少孤陽獨呼陰不能吸二氣不停衛強榮弱積爲陰寒陽爲聚熱陽盛不潤經絡不足陰虛陽旺故令少血時發喘淅咽燥汗出泄經血三月不來名曰居經非軀也諸陽爲男諸陰

女左右分明肺腎取左盛男右盛女左右俱盛一男一女左手帶縱兩個兒右手帶橫一雙女夫乘妻爲縱妻乘夫爲橫手脈盛生三女子乘母爲逆氣又男胎居左女胎居右胎之所居氣血聚焉其脈滑利

此为试读，需要完整PDF请访问：www.ertongbook.com

而盛故左盛則男右盛則女嘗觀癰癧發上則寸脈盛
發下則尺脈盛發左則左脈盛發右則右脈盛此所以
悟胎居之理也

驗胎散

真雀腦芎

一兩當歸全用七錢爲細末作兩股濃煎膠湯

一盞酒調服服後二三時覺臍腹作動此有胎也
動罷卽愈安穩無虞如不是胎不動所滯惡物自
行如一服不覺再煎紅花湯調下一服必效

探胎散

皂角

去皮

炙甘草

各一錢

黃連

五分

爲末溫酒調服

有胎則吐無胎不吐

一法經水三月不行用川芎三錢爲末煎艾湯調
服服後一時腹內微動非胎不動大約尺脈調而
不月水者孕也如經閉脈必不正或不至

養胎

婦人童幼天癸未行之先屬少陰天癸旣行屬厥陰天
癸旣絕屬太陰或妊娠養胎始於厥陰者是祖氣生化
之原也陰陽配合故次及少陽胆經五行相生正是肝

胆之木次及胞絡三焦之火厯脾胃肺大腸腎膀胱而
終十月之期焉惟手少陰太陽二經無專養者君主之
官無爲而已

一月肝足厥陰經 二月胆足少陽經

三月胞絡手厥陰經 四月三焦手少陽經

五月脾足太陰經 六月胃足陽明經

七月肺手太陰經 八月大腸手陽明經

九月腎足少陰經 十月膀胱足太陽經

按回國譯天文書七曜相照所屬與前不同今

併載以備參考

初時胎宮極熱將外
膚蒸乾後爲胞衣

一月土星照

二月木星照

色變紅

三月火星照

心肝腦成

四月太陽照

身體全成

五月金星照

毛髮成

六月水星照

舌動口開

七月太陰照

此月胎中有力若
是月生養得長成

八月又土星照

土星性燥胎氣動兒昏
沈是月生養不長成

九月又水星照

熱潤有力轉動

十月既足炁全力生

安胎

安胎之法以養血氣理脾胃爲主白术益脾以培萬物之母條芩固中鴻火氣能滋子戶之陰使火不妄動所以爲安胎聖藥砂仁安胎以其止痛行氣故耳勞神動怒情慾之火俱能墮胎推原其本皆因於熱火能消物造化自然古方謂風冷傷於子宮而墮未達病情者也如慣墮胎之婦或中氣不調食少且不必養血先理脾

胃次服補中益氣湯使氣血自生

因母病而動胎者但治母病其胎自安因胎病而致母病者但安胎則母病自愈胎多在三月分而墮者爾時手厥陰心胞絡主養胎元勞心多慮心胞絡虛不能養胎則墮治宜兼制火用四物湯加黃柏元參白朮條芩左脈微弱身痛夜熱腰痛胎不安屬血虛用四物湯加杜仲黃芩白朮秦艽

右脈寸關大而無力似滑且不流利倦怠懶於言動屬氣虛用補中益氣湯加山藥杜仲條芩